

Na osnovu člana 15. Zakona o principima lokalne samouprave u Federaciji BiH („Službene novine Federacije BiH“, broj 49/06. i 51/09.), člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15. i člana 7. Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, broj 1/10., 9/12., 4/14., 16/14., 7/15., 17/15. i 5/16.), Gradonačelnik Grada Tuzla, donosi

PRAVILNIK
o postupku za ostvarivanje prava na obavezno zdravstveno osiguranje osoba koje su u stanju socijalne potrebe

I OSNOVNE ODREDBE

Član 1.

Ovim Pravilnikom se utvrđuju korisnici prava na uplatu doprinosa za obavezno zdravstveno osiguranje, kriteriji na osnovu kojih korisnici mogu ostvariti ovo pravo kao i postupak za ostvarivanje navedenog prava iz Budžeta Grada Tuzle.

Član 2.

(1) U skladu s Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, broj: 1/10., 9/12., 4/14., 16/14., 7/15., 17/15. i 5/16) Grad Tuzla je obveznik obračuna i uplate doprinosa za obavezno zdravstveno osiguranje za osobe koje se nalaze u statnju socijalne potrebe, a nisu osigurane po drugom osnovu.

(2) Uplata navedenog doprinosa se vrši iz Budžeta Grada Tuzle s pozicije „Ostali transferi za obavezno zdravstveno osiguranje za lica u stanju socijalne potrebe“.

II KORISNICI PRAVA NA UPLATU DOPRINOSA ZA ZDRAVSTVENO OSIGURANJE

Član 3.

Korisnici prava na uplatu doprinosa za zdravstveno osiguranje su osobe koje imaju stalno prebivalište na području grada Tuzle i nalaze se u stanju socijalne potrebe, a nisu osigurane po drugom osnovu, u skladu sa Zakonom o zdravstvenom osiguranju („Službene novine FBiH“, broj 30/97., 7/02., 70/08. i 48/11.).

III POSTUPAK ZA OSTVARIVANJE PRAVA NA UPLATU DOPRINOSA ZA ZDRAVSTVENO OSIGURANJE

Član 4.

Postupak za ostvarivanje prava na uplatu doprinosa za zdravstveno osiguranje se pokreće na zahtjev stranke (lično, putem punomoćnika ili zakonskog zastupnika). Ukoliko je stranka malodobna u njeno ime zahtjev podnosi roditelj, staratelj ili usvojitelj.

Član 5.

(1) Uz zahtjev iz prethodnog člana stranka je dužna priložiti dokaze o ispunjavanju općih i posebnih uslova za ostvarivanje prava na uplatu doprinosa za zdravstveno osiguranje i to:

a) Obrazac PBA 3 – dokaz o prebivalištu na području Grada Tuzla; (ukoliko se zahtjev podnosi za malodobnu osobu uz njen Obrazac PBA 3, potrebno je dostaviti i Obrazac PBA 3 za roditelje, staratelje ili usvojitelje).

b) Uvjerenje Službe za zapošljavanje iz kojeg je vidljivo da podnosilac zahtjeva nije zdravstveno osiguran kao nezaposleno lice.

c) Uvjerenje mjesno nadležne poslovnice Zavoda za zdravstveno osiguranje Tuzlanskog kantona da podnosilac zahtjeva nije osiguran po drugom osnovu. Ukoliko se zahtjev podnosi za malodobnu osobu potrebno je dostaviti ovo uvjerenje za oba roditelja, staratelja ili usvojitelja.

(2) JU Centar za socijalni rad Tuzla u postupku socioanamnestičke obrade pribavlja Uvjerenje nadležne Porezne uprave da lice nije zaposleno i da nema zdravstveno osiguranje te da nema ranijeg duga po osnovu neuplaćenog doprinosa za obavezno zdravstveno osiguranje u periodu od šest mjeseci prije izdavanja uvjerenja.

(3) Nadležna Služba Grada Tuzle, po službenoj dužnosti će pribaviti dokaz za podnosioca zahtjeva da se ne nalazi u evidenciji lica koja ostvaruju zdravstveno osiguranje putem Službe za boračko-invalidsku zaštitu, stambene poslove i integraciju raseljenih lica Grada Tuzla.

(4) Dokumentacija navedena u stavu 1. tačka c) ovog člana ne može biti starija od tri mjeseca od dana podnošenja zahtjeva, a dostavlja se u originalu ili ovjerenj fotografiji.

Član 6.

(1) Nakon što nadležna Služba Grada Tuzle utvrdi da je zahtjev potpun isti se, u roku od 10 dana od prijema predmeta, dostavlja JU Centar za socijalni rad Tuzla, kako bi se izvršila obrada i sačinili socioanamnestički podaci.

(2) JU Centar za socijalni rad Tuzla daje preporuku o ispunjavanju uslova za ostvarivanje prava na obavezno zdravstveno osiguranje u skladu s ovim Pravilnikom.

(3) Sačinjena socijalna anamneza s preporukom se zajedno s kompletnim predmetom vraća nadležnoj Službi.

Član 7.

(1) Nakon provedenog postupka, na osnovu zahtjeva i uvida u dostavljenu dokumentaciju te socijalne anamneze sa preporukom, ukoliko podnosilac zahtjeva ispunjava navedene uslove, nadležna služba Grada Tuzla će donijeti rješenje o priznavanju prava na uplatu doprinosa za zdravstveno osiguranje i izvršiti prijavu lica na zdravstveno osiguranje kod Porezne uprave prema obrascu JS3120.

(2) Rješenje se donosi u skladu sa Zakonom o upravnom postupku FBiH („Službene novine FBiH”, broj 2/98. i 48/99.), Zakonom o zdravstvenom osiguranju FBiH („Službene novine FBiH”, broj 30/97., 7/02. i 70/08.) i Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“, broj 1/10., 9/12., 4/14., 16/14., 7/15., 17/15. i 5/16.).

(3) Rješenje o priznavanju prava i prijava na zdravstveno osiguranje glasi isključivo na ime podnosioca zahtjeva. Kod priznavanja prava na uplatu doprinosa za obavezno zdravstveno osiguranje i popunjavanja prijave na zdravstveno osiguranje, adresa lica kojem se utvrđuje pravo mora odgovarati adresi koju lice ima upisanu u evidenciji prebivališta (obrazac PBA-3).

Član 8.

Na prijavama/odjavama za zdravstveno osiguranje nadležni organ Grada Tuzla, u skladu sa Zakonom o jedinstvenom sistemu registracije, kontrole i naplate doprinosa („Službene novine FBiH”, broj 42/09.), unosit će JIB Grada Tuzla i izvršiti prijavu na zdravstveno osiguranje kod nadležne Porezne uprave, a u zdravstvene legitimacije (koju lice posjeduje od ranije, a ukoliko nije imalo ranije zdravstvenu legitimaciju, obavezan je dostaviti novu) će stavljati šifru i pečat Grada Tuzla te licima uručivati zdravstvene legitimacije i kopiju prijave kod Porezne uprave, kako bi izvršili konačnu ovjeru kod nadležne poslovnice Zavoda zdravstvenog osiguranja Tuzlanskog Kantona.

Član 9.

(1) Nadležni organ Grada Tuzla je dužan voditi evidenciju o licima kojima je priznato pravo na uplatu doprinosa za obavezno zdravstveno osiguranje.

(2) JU Centar za socijalni rad Tuzla će kontinuirano pratiti promjene stanja i uslova na osnovu kojih je utvrđeno pravo. Ukoliko se utvrdi da su kod lica kome je priznato pravo nastupile promjene, tako da lice više ne ispunjava uslove za korištenje prava, obavijestit će nadležni organ Grada Tuzla koji će donijeti rješenje o ukidanju prava na zdravstveno osiguranje, izvršiti odjavu lica sa zdravstvenog osiguranja te istu dostaviti nadležnoj poslovnicu Porezne uprave.

IV OBRAČUN I UPLATA DOPRINOSA

Član 10.

(1) Osnovica za obračun doprinosa za obavezno zdravstveno osiguranje za osobe koje se nalaze u statusu socijalne potrebe, a nisu osigurane po drugom osnovu, iznosi 40% prosječne mjesečne bruto plaće isplaćene na području Federacije BiH, prema posljednjem podatku Federalnog Zavoda za statistiku.

(2) Stopa doprinosa na osnovicu utvrđenu u stavu 1. ovog člana iznosi 2,3%.

Član 11.

Obračun i uplatu doprinosa za obavezno zdravstveno osiguranje, u skladu s članom 10. ovog Pravilnika, vršit će Grad.

V ZAVRŠNE ODREDBE

Član 12.

- (1) Pravilnik stupa na snagu danom objavljivanja u „Službenom glasniku Grada Tuzla“.
- (2) Stupanjem na snagu ovog Pravilnika stavlja se van snage Pravilnik o postupku za ostvarivanje prava na obavezno zdravstveno osiguranje osoba koje su u stanju socijalne potrebe broj: 02-35-7561-2018. od 29.10.2018. godine objavljen u „Službenom glasniku Grada Tuzla“ broj 11/18.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK**

GRADONAČELNIK

**Broj:02-14-A-683-2019
Tuzla, 31.1.2019.**

Jasmin Imamović, dipl. pravnik

O B R A Z L O Ž E N J E

Pravni osnov

Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Tuzlanskog kantona („Službene novine Tuzlanskog kantona“ broj: 1/10, 9/12, 4/14, 16/14, 7/15, 17/15 i 5/16) utvrđeno je pravo na obavezno zdravstveno osiguranje, a u članu 7. iste Odluke određeno je da obračun i uplatu doprinosa vrši Grad Tuzla, za građane koji imaju prebivalište na području Grada Tuzla, a koji su u stanju socijalne potrebe, a po drugom osnovu nemaju osiguranje.

Pravni osnov za donošenje Pravilnika određen je odredbama člana 15. Zakon o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“ broj 1/14, 3/15, 7/15 i 12/15).

Razlozi za donošenje Pravilnika

Pravilnikom o postupku za ostvarivanje prava na obavezno zdravstveno osiguranje osoba koje su u stanju socijalne potrebe ("Službeni glasnik Grada Tuzla broj: 11/18) utvrđeno je pravo na obavezno zdravstveno osiguranje, određeno ko može biti korisnik prava i ko vrši uplatu osiguranja i po kojoj stopi, te postupak u smislu, kojim ispravama se dokazuje pravo, koja je uloga JU Centar za socijalni rad, a šta je obaveza nadležne Službe u postupku.

Međutim, u postupku rješavanja po zahjevima za ostavriavanje prava na obavezno zdravstveno osiguranje pojavili su se određeni problemi u smislu izdavanja potvrda odnosno pribavljanja odgovarajućih dokaza. S tim u vezi, a u cilju pojednostavljivanja postupka za ostvarivanje prava na zdravstveno osiguranje, predloženo je donošenje ovog Pravilnika.

Finansijska sredstva

Finansijska sredstva potrebna za realizaciju ovog Pravilnika obezbjeđena su u Budžetu Grada Tuzla.